

**Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO**

**I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC JULI 2014. GODINE**

Sarajevo, avgust 2014. godine

1. KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu julu 2014. godine, na području Kantona Sarajevo registrovana su 522 krivična djela¹ što je za 48 ili 8,4% manje u odnosu na isti mjesec prethodne godine.

Od ukupnog broja registrovanih krivičnih djela, 157 ili 30,1% izvršeno je od strane poznatih, a 365 ili 69,9% od strane nepoznatih izvršilaca.

Za 160 djela ili 43,8% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 81 krivično djelo iz izvještajnog, a 79 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu julu 2014. godine za ukupno 317 krivičnih djela ili 60,7%, identifikovali osumnjičene izvršioce, što je za 2,1% manje u odnosu na isti mjesec prethodne godine.

Osnovni statistički pokazatelji kriminaliteta u mjesecu julu 2014. godine

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
Juli 2014.	522	157	365	160	79	231	20	137	92
Juli 2013.	570	165	405	193	87	257	20	167	87
uporedba	-48	-8	-40	-33	-8	-26	0	-30	5

Zbog postojanja osnova sumnje da su počinili krivična djela prijavljeno je 231 lice (26 manje), od čega je 137 povratnika (30 manje) u izvršenju krivičnih djela (ili 59,3%), 20 maloljetnika (isti broj), a 92 lica su lišena slobode (pet više).


¹U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 202 obavijesti (218 manje) o događajima u kojima je pričinjena neznatna materijalna šteta.

Pregled kriminaliteta na području Kantona Sarajevo u mjesecu julu 2014/13. godine posmatrano po glavama KZ FBiH-a (Sl. novine FBiH-a br. 36/03)

KRIVIČNA DJELA	Juli 2014.	Juli 2013.	uporedba		rasvj. juli 2014.g	
			+/-	%	broj kd	%
Protiv života i tijela	13	23	-10	-43,5%	14 ²	107,7%
Protiv slobode i prava čovjeka i građanina	12	27	-15	-55,6%	12	100%
Protiv spolne slobode i morala	3	0	3	---	3	100%
Protiv braka, porodice i mladeži	23	17	6	35,3%	23	100%
Protiv zdravlja ljudi	20	21	-1	-4,8%	20	100%
Protiv imovine	401	424	-23	-5,4%	205	51,1%
Protiv okoliša	1	0	1	---	1	100%
Protiv opće sigurnosti ljudi i imovine	13	10	3	30%	5	38,5%
Protiv sigurnosti javnog prometa	3	15	-12	-80%	3	100%
Protiv javnog reda i pravnog prometa	25	23	2	8,7%	23	92%
Protiv privrede i jedinstva tržišta te krivična djela iz oblasti carina (KZBiH)	4	0	4	---	4	100%
Zakon o nabavljanju, držanju i nošenju oružja i municije (Sl.novine KS br. 38/07)	4	10	-6	-60%	4	100%
UKUPNO	522	570	-48	-8,4%	317	60,7%

U mjesecu julu 2014. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 48 djela ili 8,4%. Smanjenje je registrovano u oblastima protiv imovine (za 23 djela), slobode i prava čovjeka i građanina (za 15), sigurnosti javnog prometa (za 12), života i tijela (za deset djela), itd., dok je povećanje evidentirano u oblasti protiv braka, porodice i mladeži (za šest djela), spolne slobode i morala (za tri), opće sigurnosti ljudi i imovine (za tri), itd.

Grafički prikaz broja registrovanih i rasvijetljenih krivičnih djela po policijskim upravama MUP-a KS



² U mjesecu julu 2014. godine, pored rasvijetljavanja svih djela iz ove oblasti rasvijetljeno je i jedno djelo iz mjeseca maja ove godine (iz člana 172. KZ FBiH-a – Teška tjelesna ozljeda)

Pregled registrovanih krivičnih djela na području Kantona Sarajevo u mjesecu
julu 2014. godine

ČLAN	KZ	Naziv člana	UKUPNO		
			KD ³	NN	NI
			522	365	160
166	FBiH	UBISTVO	2	1	1
166/28	FBiH	UBISTVO U POKUŠAJU	1	1	0
172	FBiH	TEŠKA TJELESNA OZLJEDA	5	0	2
173	FBiH	LAHKA TJELESNA OZLJEDA	5	0	0
183	FBiH	UGROŽAVANJE SIGURNOSTI	12	1	1
203	FBiH	SILOVANJE	1	0	0
208	FBiH	BLUDNE RADNJE	1	0	0
211	FBiH	ISKORIŠTAVANJE DJETETA ILI MALOLJETNIKA RADI PORNOGRAFIJE	1	0	0
222	FBiH	NASILJE U PORODICI	23	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	5	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	15	0	0
286	FBiH	KRAĐA	50	42	28
286/28	FBiH	KRAĐA U POKUŠAJU	1	0	0
287	FBiH	TEŠKA KRAĐA st 1.tačka a)	245	237	89
287/B	FBiH	TEŠKA KRAĐA NA NAROČITO OPASAN ILI NAROČITO DRŽAK NAČIN	8	6	7
287/28	FBiH	TEŠKA KRAĐA U POKUŠAJU	7	4	5
288	FBiH	RAZBOJNIČKA KRAĐA	1	1	0
289	FBiH	RAZBOJNIŠTVO	46	42	14
289/33	FBiH	RAZBOJNIŠTVO U POMAGANJU	0	0	1
290	FBiH	UTAJA	8	1	0
293	FBiH	OŠTEĆENJE TUĐE STVARI	17	9	4
294	FBiH	PRIJEVARA	11	6	5
300	FBiH	PRIKRIVANJE	4	0	0
301	FBiH	PALJEVINA	3	1	0
316	FBiH	ŠUMSKA KRAĐA	1	0	0
323	FBiH	IZAZIVANJE OPĆE OPASNOSTI	11	8	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA	2	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	3	0	0
358	FBiH	SPRIJEČAVANJE SLUŽBENE OSOBE U VRŠENJU SLUŽBENE RADNJE	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	3	0	0
362	FBiH	NASILNIČKO PONAŠANJE	7	4	2
370	FBiH	SAMOVLAŠĆE	2	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	5	0	0
373	FBiH	KRIVOTVORENJE ISPRAVE	6	1	1
375	FBiH	OVJERAVANJE NEISTINITOG SADRŽAJA	1	0	0
205 BH	BiH	KRIVOTVORENJE NOVCA	4	0	0
ZONDINOM (SLUŽBENE NOVINE KANTONA SARAJEVO br.38/07)			4	0	0

³ KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršiooci

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca jula 2014. godine u ovoj oblasti evidentirano je 13 krivičnih djela (deset manje u odnosu na juli 2013. godine), i to: ubistvo – dva djela (u uporednom nije bilo ubistava), ubistvo u pokušaju – jedno djelo (nije bilo ovih djela), teška tjelesna ozljeda – pet (11 manje) i lahka tjelesna ozljeda – pet (jedno manje). Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 18 lica, a sedam je lišeno slobode.

UBISTVO (dva djela)

- Dana 18.06.2014. godine, u porodičnoj kući u ulici Donja Jošanica, općina Vogošća, M.Mevlida (1993) se sama porodila, a potom upotrebom fizičke snage i rukavom od pidžame ugušila živorođeno novorođenče, koje je potom umotala u peškir, stavila u kesu te u poslijepodnevnim satima odnijela i ostavila u kontejner za smeće u ulici Vilsonovo šetalište, općina Novo Sarajevo. Zbog postojanja osnova sumnje da je imenovana počinila krivično djelo **iz člana 166. KZ FBiH-a (Ubistvo)** ista je dana 16.07.2014. godine lišena slobode i uz službeni izvještaj predata nadležnom tužilaštvu.
- Dana, 24.7.2014. godine, oko 03,00 sati, u dvorištu devastiranog objekta u ulici Emira Bogunića Čarlija, općina Ilidža, S.Dalibor (1983) je hicima iz automatske puške lišio života Selman Harisa (1991). Zbog postojanja osnova sumnje da je počinio krivično djelo **iz člana 166. KZ FBiH-a (Ubistvo)** isti je lišen slobode i uz službeni izvještaj predat nadležnom tužilaštvu.

UBISTVO U POKUŠAJU (jedno djelo)

- Dana, 23.06.2014. godine, oko 16,20 sati u ulici Mula Mustafe Bašeskije, općina Stari Grad za sada nepoznato lice je hicima iz vatrenog oružja nanijelo teške tjelesne ozljede opasne po život Abaz Nerminu (1979). Zbog postojanja osnova sumnje da je počinjeno krivično djelo **iz člana 166. KZ FBiH-a u vezi člana 28. istog Zakona (Ubistvo u pokušaju)** u mjesecu julu ove godine nadležnom tužilaštvu podnesen je službeni izvještaj protiv nepoznate osobe. Policijski službenici Uprave policije nastavljaju sa operativnim mjerama i radnjama u cilju identifikacije, pronalaska i procesuiranja izvršioca navedenog djela.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 12 krivičnih djela (15 manje) - ugrožavanje sigurnosti, za čije izvršenje je prijavljeno je 12 lica.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su tri djela (u uporednom mjesecu nije bilo djela u ovoj oblasti) i to: silovanje, bludne radnje i iskorištavanje djeteta ili maloljetnika radi pornografije – po jedno djelo, za čije izvršenje su prijavljena tri lica (svi su povratnici u činjenju krivičnih djela), koja su uz službeni izvještaje predata nadležnom tužilaštvu.

Zbog postojanja osnova sumnje da je dana 30.07.2014. godine na lokalitetu Ferhatlija, općina Hadžići počinio krivično djelo silovanja nad D.S. (1986) nadležnom tužilaštvu podnesen je službeni izvještaj protiv S. Aldina (1984).

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 23 djela (šest više) - nasilje u porodici, za čije izvršenje su prijavljena 24 lica, a 14 je lišeno slobode.

Ova krivična djela evidentirana su na području općina: Centar i Ilijaš – po pet, Stari Grad, Novi Grad i Ilidža – po tri, Novo Sarajevo – dva, Hadžići i Vogošća – po jedno djelo.

1.2.5. KRIVIČNA DJELA PROTIV ZDRAVLJA LJUDI

Prijavljeno je 20 krivičnih djela iz oblasti protiv zdravlja ljudi (jedno manje) i to:
- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) – 15 djela.

Zbog postojanja osnova sumnje da su počinili navedena djela podneseni su službeni izvještaji protiv 19 lica , a devet je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv pet lica zbog postojanja osnova sumnje da su u proteklom periodu u više navrata kupovali opojnu drogu ("Marihuanu" i „Amfetamin“) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 14 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Pregled oduzete količine opojnih droga u mjesecu julu 2014/13. godine

VRSTA OPOJNE DROGE	juli 2014.GOD.	juli 2013 GOD.
Marihuana (paketići)	31	29
Marihuana (Joint)	2	2
Marihuana (u gramima)	2.107,41	100,00
Stabljike Cannabis-a (kom.)	9	5
Amfetamin (paketići)	1	2
Amfetamin (u gramima)	478	10
suboxone (tablete – kom.)	1	---
pribor sa ostacima droge (kom.)	7	9

Podneseno je 16 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 13 lica, pet stambenih objekata i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U ovom mjesecu, registrovano je 401 krivično djelo protiv imovine, što je za 23 djela ili 5,4% manje u odnosu na mjesec juli prošle godine. Među djelima iz ove oblasti najbrojnija su: teška krađa – 253 djela (16 više), krađa – 50 (52 manje), razbojništvo – 46 (13 više), oštećenje tuđe stvari – 17 (isti broj), prijevara – 11 (jedno više), utaja – osam (jedno manje), teška krađa u pokušaju – sedam (jedno manje), itd.

Za ukupno 205 ovih djela ili 51,1% identifikovan je osumnjičeni izvršilac (za 1,3% manje u odnosu na uporedni mjesec).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 120 puta (pet manje), stambeni objekti – 55 (dva manje), poslovni objekti – 41 (tri više), itd.

Takođe, u mjesecu julu ove godine izvršena su 73 krivična djela teških krađa motornih vozila od čega su 23 ili 31,5% pronađena i vraćena vlasnicima (od strane policije MUP-a KS vraćeno je sedam vozila, MUP-a RS-a – pet, drugih MUP-ova – pet i od strane vlasnika pronađeno je šest vozila).

Broj teških krađa motornih vozila, smanjen je za šest ili 7,6%.

Pregled broja otuđenih i vraćenih putničkih motornih vozila na području Kantona Sarajevo po policijskim upravama u mjesecu julu 2014. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	13	19	13	25	3	73
broj vraćenih pmv	8	7	2	6	0	23
% vraćenih pmv	61,5%	36,8%	15,4%	24%	0%	31,5%

Policijski službenici su tokom mjeseca jula, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv četiri lica (dva više).

Pregled broja otuđenih motornih vozila na području Kantona Sarajevo po policijskim upravama u mjesecu julu 2014/13. godine


POLICIJSKA UPRAVA	I PU	II PU	III PU	IV PU	V PU	UKUPNO	
broj otuđenih vozila–juli 2014.g	13	19	13	25	3	73	
broj otuđenih vozila–juli 2013. g.	20	14	19	23	3	79	
uporedba juli 2014/13. godine	+, -	7	-5	6	-2	0	6
	%	35%	-35,7%	31,6%	-8,7%	0%	7,6%

Prijavljeno je 50 krivičnih djela krađe (52 manje), koje su izvršene 23 puta u poslovne prostorije, deset u stambene objekte, sedam puta na ulici, šest u vozilima i na stajalištima GRAS-a, itd., odakle su otuđivani novčanici, auto dijelovi, tehnička roba, bicikli, željezni profili, bakarna žica, itd.

Registrovano je 46 krivičnih djela razbojništva (13 više), od čega je za ukupno 16 djela identifikovan osumnjičeni izvršilac ili 34,8% što je za 1,6% manja „rasvijetljenost“.

Ova djela evidentirana su na području slijedećih općina: Centar – 15 (devet više), Novo Sarajevo – 13 (isto), Ilidža – 10 (osam više), Novi Grad – sedam (tri više), itd.

Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS




Razbojništva su izvršena prijetnjom upotrebe vatrenog oružja - 30 puta, prijetnjom upotrebe noža ili drugog oštrog predmeta - pet i upotrebom fizičke snage – 11 puta, a počinjena su u prodavnicama – 26 puta, na ulici - devet, u sportskim kladionicama - sedam, itd. Otuđivan je novac, mobiteli, nakit i dva motorna vozila.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 15 lica (od čega je 11 povratnika ili 73,3%), a četiri su lišena slobode.

Evidentirano je osam krivičnih djela teških krađa na naročito opasan ili naročito drzak način (četiri manje), u kojima su izvršioc, upotrebom fizičke snage – sedam puta, te verbalnom prijetnjom u jednom slučaju, otimali nakit, novac, mobitele i jedan bicikl. Sva djela izvršena su na ulici.

Za ukupno devet ovih djela (od čega je šest iz ranijeg perioda) identifikovani su osumnjičeni izvršioc, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica (od kojih je pet povratnika).

Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 13 djela (tri više) i to: izazivanje opće opasnosti – 11 i nesavjesno čuvanje pasa i drugih opasnih životinja – dva djela. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica od kojih su tri povratnika.


Krivična djela izazivanja opće opasnosti (11 djela) izvršena su na otvorenom prostoru pri čemu je u četiri slučaja aktivirana nepoznata eksplozivna naprava, pet puta otvorenim plamenom izazvan požar i u dva slučaja pucano je iz vatrenog oružja. Posljedica izvršenja navedenih djela je nastala materijalna šteta.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 25 krivičnih djela (dva više) i to: nasilničko ponašanje – sedam, krivotvorenje isprave – šest, nedozvoljeno držanje oružja ili eksplozivnih materija – pet, napad na službenu osobu u vršenju poslova sigurnosti – tri, samovlašće – dva, ovjeravanje neistinitog sadržaja i sprečavanje službene osobe u vršenju službene radnje – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 21 lica, a sedam je lišeno slobode.

Grafički prikaz broja registrovanih krivičnih djela iz člana 362 KZFBiH
(nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca jula 2014. godine, prijavljeno je 20 maloljetnih lica zbog postojanja osnova sumnje da su učestvovali u izvršenju 19 krivična djela. U odnosu na isti mjesec prethodne godine, broj maloljetnih izvršilaca je ostao isti, dok je broj krivičnih djela za čije izvršenje su prijavljeni maloljetnici smanjen za 15 ili 44,1%.

Prema starosnoj strukturi, tri maloljetnika je u dobi do 14 godina, 10 je u dobi između 14 i 16 godina, a sedam je u dobi između 16 i 18 godina, dok je povratnika u izvršenju krivičnih djela bilo sedam (ili 35%).

Pregled registrovanih krivičnih djela izvršenih od strane maloljetnika po policijskim upravama u julu 2014/13. godine

POLICIJSKA UPRAVA	MKS	I PU	II PU	III PU	IV PU	V PU	UKUPNO
juli 2014. godine	3	4	3	4	2	3	19
juli 2013. godine	0	3	25	4	0	2	34
uporedba	+3	+1	-22	0	+2	+1	-15 ili 44,1%

Posmatrano po policijskim upravama, najveći broj službenih izvještaja koji su podneseni nadležnom tužilaštvu zbog krivičnih djela učinjenih od strane maloljetnih lica podnijeli su policijski službenici Prve i Druge policijske uprave. Maloljetni učinioци prijavljeni su za izvršenje 13 krivičnih djela iz oblasti protiv imovine, tri iz oblasti protiv života i tijela (lahka i teška tjelesna povreda) i td.

Struktura krivičnih djela izvršenih od strane maloljetnih lica u julu 2014./13. godine

Naziv krivičnog djela	juli 2014.	juli 2013.	+ - %
teška tjelesna povreda	1	0	
lahka tjelesna povreda	2	0	
ugrožavanje sigurnosti	0	1	-100,0
nasilje u porodici	0	2	-100,0
posjed. i omogućav. uživanja op. droga	1	1	0,0
teška krađa	3	19	-84,2
pokušaj teške krađe	0	2	-100,0
teška krađa na naročito opasan i drzak način	2	3	-33,3
krađa	2	2	0,0
razbojništvo	3	0	
oštećenje tuđe stvari	2	1	+100,0
iznuda	0	1	-100,0
paljevina	1	0	
napad na sl. osobu u vršenju poslova sigurnosti	1	0	
nasilničko ponašanje	0	1	-100,0
nedozvoljeno držanje oružja i ekspl. sredst.	1	1	0,0
UKUPNO	19	34	-44,1

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca jula 2014. godine registrovano je pet slučajeva aktiviranja minsko-eksplozivnih sredstava (tri ili 150% više u odnosu na isti mjesec 2013. godine), koje su za posljedicu imale materijalnu štetu na stambenim i poslovnim objektima, te na putničkim vozilima. U jednom slučaju učinioci su identifikovani i protiv njih su preduzete zakonske mjere. Pored pomenutih, registrovan je i slučaj bacanja dvije boce sa zapaljivom tečnošću na parking u ispred hotela na području općine Stari Grad, bez posljedica.

Slučajevi aktiviranja minsko-eksplozivnih sredstava u toku mjeseca jula 2014. godine

Općina	Ulica i mjesto eksplozije	Datum i vrijeme	Posljedice	Izvršilac
Novi Grad	Safeta Hadžića 133, dvorište kuće	07.7.2014., oko 03,55	oštećenja na kući	nepoznat
Novo Sarajevo	Olovska 48, dvorište kuće	11.7.2014., oko 04,50	oštećenja na kući	nepoznat
Novo Sarajevo	Dr. Fetaha Bećirbegovića 37, ispred prodavnice	14.7.2014, oko 00,45	oštećenja na dva poslovna objekta i na utničkom vozilu	nepoznat
Novo Sarajevo	Nedima Filipovića 27, ispred ugostiteljskog objekta	28.7.2014. oko 02,00	oštećenja na navedenom objektu, i okolnim poslovnim prostorima kao i na više parkiranih putničkih vozila	P. I.-1984. i Dž. A.-1984.
Centar	Hadži Sulejmanova 2, ispred ulaza u stambenu zgradu	28.7.2014., oko 02,15	oštećenja na više stanova i poslovnih objekata, i jednom putničkom vozilu	nepznat

U proteklom mjesecu nije bilo evidentiranih anonimnih dojava o postavljenoj eksplozivnoj napravi (kao ni u istom mjesecu 2013. godine).

1.4.2. POŽARI

Tokom mjeseca jula 2014. godine, na području Kantona Sarajevo registrovano je 11 požara (jedan manje), koji su za posljedicu imali materijalnu štetu.

Požari su registrovani na području općina: Centar – četiri, Ilidža – četiri i Novi Grad – tri požara.

Prema statističkim pokazateljima, šest požara je izazvano namjerno, jedan je prouzrokovan nehatom, jedan zbog tehničkih nedostataka, dok uzrok tri požara spada u kategoriju ostalih.

Zbog izazivanja požara nadležnom tužilaštvu je podneseno sedam službenih izvještaja: četiri iz člana 323 KZ FBiH (izazivanje opće opasnosti) i tri iz člana 301 KZFBiH (paljevina).

1.4.3. OSTALE AKTIVNOSTI

U mjesecu julu ove godine, pripadnici policije su u sklopu operativnih aktivnosti izvršili pretres 77 lica, 16 stanova, izvršili utvrđivanje identiteta za 20 lica i lišili slobode šest lica za kojima je bila raspisana potjernica. Takođe, pružene su 62 asistencije i to na zahtjev državnih organa 59, a po zahtjevu organa i organizacija javnih ovlašćenja – tri asistencije.

U cilju dokumentovanja krivičnih djela i identifikacije izvršilaca, izvršeno je 365 uviđaja, pronađeno i obrađeno 857 tragova, u 283 slučaja fotografisano je lice mjesta, 15 puta je skicirano, izvršeno 121 vještačenje i daktiloskopirano 19 lica.

U okviru potražne djelatnosti raspisana je 21 potjernica od strane sudova Kantona Sarajevo, a 25 je obustavljeno (iz izvještajnog i ranijeg perioda). Takođe, zaprimljene su četiri prijave o nestalim licima, a dvije su obustavljene.

U okviru depešnog saobraćaja predate su 2.802 depeše, primljene 5.263, zatim tranzitirano 729, dok su za područje RS-a i Granične policije faksom predate 122 depeše, što ukupno iznosi 8.916 obrađenih i razmjenjenih depeša.

Za potrebe tužilaštva i drugih nadležnih organa izvršene su 3.262 provjere iz evidencija, na zahtjev građana izdato 546 uvjerenja o njihovoj osuđivanosti ili neosuđivanosti, izvršeno devet brisanja osuda iz evidencija u nadležnosti Ministarstva, otvoreno 90 novih dosja i evidentirana 482 lica oštećena činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

1.4.4. SAMOUBISTVA

U mjesecu julu 2014. godine na području Kantona Sarajevo registrovana su dva samoubistva (dva manje) i to na području općina Novi Grad i Vogošća. Suicidi su izvršeni vješanjem i presjecanjem vena, a izvršioци su žena i muškarac u dobi preko 45 godina.

2. JAVNI RED I MIR

Zbog raznih oblika narušavanja javnog reda i mira u toku mjeseca jula 2014. godine, policijski službenici MUP-a Kantona Sarajevo su podnijeli ukupno **680 prekršajnih naloga i zahtjeva za pokretanje prekršajnog postupka** (naloga -502, zahtjeva-178), protiv **735 učinilaca**. U odnosu na mjesec juli 2013. godine, broj prekršajnih sankcija povećan je za 89 ili 15,1%, a broj učinilaca prekršaja povećan je za 88 ili 13,6%. Na ovako izrazito povećanje broja prekršajnih sankcija uticale su pojačane aktivnosti policijskih službenika na sprečavanju prosjačenja koje je najizraženije na području općina Stari Grad i Centar. Tako se od ukupnog broja prekršajnih sankcija, 405 ili 59,6% odnosi na prekršaje učinjene prosjačenjem.

Na prekršaje utvrđene Zakonom o prekršajima protiv javnog reda i mira odnosi se 630 ili 92,6% naloga i zahtjeva, a na prekršaje koji su utvrđeni Odlukom općinskih vijeća 50 ili 7,4%.

Od ukupnog broja prekršajnih sankcija, 83 se odnosi na lica koja su i ranije činila prekršaje (povratnici), osam na maloljetna lica, a dva na strane državljane.

Prema starosnoj strukturi lica protiv kojih su preduzete prekršajne sankcije od njih 735 najbrojniji su oni starosne dobi preko 36 godina (403), zatim između 26 i 35 godina (189) i između 19 i 25 godina (134), dok je maloljetnih izvršilaca bilo devet.

Tabelarni pregled broja uručenih prekršajnih naloga i podnesenih zahtjeva za pokretanje prekršajnog postupka za mjesec juli 2014. godine, po policijskim stanicama

Policijska stanica/odjeljenje/ jedinica	Broj prekršajnih naloga	Broj zahtjeva za pok.pp	Ukupan broj n/z
Stari Grad	204	17	221
Centar	148	65	213
Novo Sarajevo	110	16	126
Novi Grad	17	35	52
Ilidža	3	20	23
Hadžići	5	14	19
Trnovo	0	0	0
Vogošća	6	7	13
Ilijaš	3	4	7
Jedinica za saobraćaj	6	0	6
UKUPNO	502	178	680

Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (434 ili 63,8% od ukupnog broja), s tim da su službenici Policijske stanice Stari Grad preduzeli 221, a PS Centar 213 prekršajnih sankcija. Policijski službenici Druge policijske uprave su preduzeli 126, Treće policijske uprave 52, Četvrte policijske uprave 42, od čega Policijska stanica Ilidža 23, a PS Hadžići 19, te Pete policijske uprave 20, od čega PS Vogošća 13 i PS Ilijaš sedam. Službenici Jedinice za saobraćaj MUP-a KS uručili su šest prekršajnih naloga.

Tabelarni pregled broja prekršajnih naloga i zahtjeva za pokretanje prekršajnog postupka za mjesec juli 2014/2013. godine- po policijskim upravama

period	POLICIJSKA UPRAVA						
	I PU	II PU	III PU	IV PU	V PU	JZS*	UKUPNO
juli 2014.	434	126	52	42	20	6	680
juli 2013.	346	78	69	62	28	8	591
uporedba	+88 ili 25,4%	+48 ili 61,5%	-17 ili -24,6%	-20 ili -32,3%	-8 ili -28,6%	-2 ili -25%	+89 ili 15,1%

*Jedinica za saobraćaj MUP-a KS

U odnosu na isti mjesec protekle godine, Prva i Druga policijska uprava imale su povećanje broja prekršajnih sankcija iz oblasti javnog reda i mira, dok su ostale imale smanjenje tog broja.

Prema strukturi prekršaja, najveći broj prekršajnih sankcija preduzet je zbog prekršaja koji su učinjeni **prosjachenjem - 405 ili 59,6%** od ukupnog broja, a znatno manje zbog tuča (80 ili 11,8%), naročito drskog ponašanja (62 ili 9,1%), te odbijanja naređenja i omalovažavanja policijskih službenika (27 ili 4%). Zbog prekršaja učinjenih svađom, vikom i nepristojnim ponašanjem preduzeto je devet, zbog uživanja oojne droge na javnom mjestu tri i zbog svih drugih prekršaja iz oblasti javnog reda i mira – 44 prekršajne sankcije. Zbog prekršaja koji su sankcionisani Odlukom općinskih vijeća o javnom redu i miru preduzeto je 50 prekršajnih sankcija.

Tabelarni pregled strukture prekršaja iz oblasti javnog reda i mira za mjesec juli 2014.2013. godine

STRUKTURA PREKRŠAJA	JULI 2014.	JULI 2013.	+ - %
UKUPNO prekršajnih naloga i zahtjeva za ppp	680	591	+15,1
UKUPNO lica	735	647	+13,6
Prekršaji prema Zakonu o prekršajima protiv JRiM:	630	542	+16,2
-Tuča	80	82	-2,4
-Naročito drsko ponašanje	62	68	-8,8
-Odbijanje naređenja i omalovažavanje pol. služb.	27	51	-47,1
-Neovlašćena upotreba oružja	0	1	-100,0
-Prosjachenje	405	277	+46,2
-Paljenje petardi	0	1	-100,0
-Svađa, vika, nepristojno ponašanje	9	17	-47,1
-Ostali prekršaji	44	45	-2,2
Ukupno naloga/ zahtjeva prema Odluci o.v. o JRM	50	49	+2,0

U odnosu na prethodnu godinu, povećan je samo broj prekršajnih sankcija preduzetih zbog prosjachenja (za 46,2%), te zbog prekršaja koji su regulisani Odlukom općinskih vijeća (za 2,0%). U svim ostalim slučajevima taj broj je smanjen.

Posmatrano po mjestu izvršenja, najveći broj prekršaja iz oblasti javnog reda i mira izvršen je **na ulici i na drugim otvorenim prostorima- 631 ili 92,8%**, a znatno manje u ugostiteljskim objektima –osam, vozilima javnog saobraćaja – tri, sportskim terenima – jedan, školama - jedan i na ostalim mjestima- 36.

Tabelarni pregled broja uručenih/podnesenih naloga i zahtjeva prema mjestu izvršenja u mjesecu julu 2014/2013. godine

MJESTO IZVRŠENJA	JULI 2014.	JULI 2013.	+ - %
<i>Ulica i drugi otvoreni prostor</i>	631	528	+19,5
<i>Ugostiteljski objekti</i>	8	15	-46,7
<i>Vozila javnog saobraćaja</i>	3	4	-25,0
<i>Sportski stadioni i dvorane</i>	1	1	0,0
<i>Škole (školska dvorišta)</i>	1	0	
<i>Trgovinske i zanatske radnje</i>	0	6	-100,0
<i>Ostala mjesta</i>	36	37	-2,7
UKUPNO	680	591	+15,1

U odnosu na mjesec juli 2013. godine, povećan je samo broj prekršajnih sankcija zbog prekršaja izvršenih na ulici, dok je na svim ostalim mjestima registrovano smanjenje broja izvršenih prekršaja.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (u istom mjesecu 2013. godine jedno), dok su lakše povrijeđena 53 lica (10 ili 23,3% više).

Policijski službenici su preduzimali planske i organizovane aktivnosti na osiguranju 190 javnih skupova na području Kantona Sarajevo (70 više u odnosu na juli 2013. godine) koji su protekli bezbjedno i bez incidenata. U 29 slučajeva izvršeno je KDZ osiguranje ovih skupova (39 manje).

U toku mjeseca jula 2014. godine na području Kantona Sarajevo održavana su protestna okupljanja radnika KJP „ZOI 84“ i tom prilikom nije bilo slučajeva narušavanja javnog reda i mira.

3. SAOBRAĆAJ

Tokom mjeseca jula 2014. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja povrijeđenih lica, dok je smanjen broj poginulih lica.

Registrovane su 963 saobraćajne nezgode (46 ili 5 % više), 876 sa materijalnom štetom (39 ili 4,6 % više) i 87 sa nastradalim licima (sedam ili 8,7 % više).

U naselju je registrovano 897 saobraćajnih nezgoda (jedna sa poginulim, 76 sa povrijeđenim licima i 820 sa materijalnom štetom), van naselja 66 nezgoda (10 sa povrijeđenim licima i 56 sa materijalnom štetom).

Evidentirane su 293 saobraćajne nezgode na raskrsnicama u naselju, devet na raskrsnicama van naselja, tri na pješačkom prelazu, jedna na nadvožnjaku i 657 saobraćajnih nezgoda čije se karakteristike ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec juli 2014/2013. godina

	juli 2014	juli 2013	+,-,%
UKUPNO SAOBRAĆAJNIH NEZGODA	963	917	+ 46 ili 5 %
Saobraćajne nezgode sa nastradalim licima	87	80	+7 ili 8,7 %
Saobraćajne nezgode sa materijalnom štetom	876	837	+ 39 ili 4,6 %
POGINULO LICA	1	2	- 1 ili 50 %
- vozači	1	0	+1
-putnici	0	0	-----
- pješaci	0	2	- 2
POVRIJEĐENO LICA	115	100	+ 15 ili 15 %
- vozači	70	50	+ 20 ili 40 %
- putnici	30	35	- 5 ili 14,3 %
- pješaci	15	15	isto

Najveći broj saobraćajnih nezgoda evidentiran je na području općina: Novi grad (217) i Novo Sarajevo (189). Najveće povećanje broja saobraćajnih nezgoda registrovano je na području općine Novo Sarajevo (za 26 ili 15,9 %), a smanjenje na području općine Ilidža (za 20 ili 11,6 %).

Tabelarni pregled broja saobraćajnih nezgoda po općinama za mjesec juli 2014/2013. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
juli 2014	81	188	189	217	152	36	5	64	31	963
juli 2013	86	191	163	201	172	24	2	50	28	917
+,-,%	- 5 ili 5,8 %	- 3 ili 1,6 %	+ 26 ili 15,9 %	+ 16 ili 8 %	- 20 ili 1,6 %	+ 12 ili 50 %	+ 3 ili 150 %	+ 14 ili 28 %	+ 3 ili 10,7 %	+ 46 ili 5 %

3.1. POSLJEDICE SAOBRAĆAJNIH NEZGODA

Tokom mjeseca jula 2014. godine, u saobraćajnim nezgodama na području Kantona Sarajevo 116 lica je nastradalo (14 ili 13,7 % više). Jedno lice je poginulo ⁴(jedno ili 50 % manje), dok je 115 lica povrijeđeno (15 ili 15 % više), 14 teže i 101 lakše.

Među povrijeđenim licima evidentirano je:

- 70 vozača (20 više)
- 30 putnika (pet manje)
- 15 pješaka (isto)

⁴ Dana 01.07. 2014. godine, na magistralnom putu M 5, u Ulici Rakovička cesta (općina Hadžići), poginuo je D. Ž. (34) – vozač motocikla.

Tabelarni pregled nastradalih lica u saobraćajnim nezgodama po kategoriji učesnika za mjesec juli 2014/2013. godina

	POGINULI			TEŠKO POVRIJEĐENI			LAKŠE POVRIJEĐENI		
	juli 2014	juli 2013	+,-,%	juli 2014	juli 2013	+,-,%	juli 2014	juli 2013	+,-,%
VOZAČI	1	0	+1	5	5	isto	65	45	+20 ili 44,4 %
PUTNICI	0	0	----	3	1	+2 ili 200 %	27	34	-7 ili 20,6 %
PJEŠACI	0	2	-2	6	4	+2 ili 50 %	9	11	-2 ili 18,2 %
UKUPNO	1	2	-1 ili 50 %	14	10	+4 ili 40 %	101	90	+11 ili 12,2 %

Kada je u pitanju stepen povreda, pet vozača je teže, a 65 lakše povrijeđeno, tri putnika su teže, a 27 lakše povrijeđena, dok je šest pješaka teže, a devet lakše povrijeđeno.

Najveći broj povrijeđenih lica registrovan je na području općina: Novi Grad - 27 (četiri teže i 23 lakše) i Centar – 20 (tri teže i 17 lakše).

Posljedice saobraćajnih nezgoda po policijskim upravama/stanicama za mjesec juli 2014/2013. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		juli 2014	juli 2013	uporedba	juli 2014	juli 2013	uporedba	juli 2014	juli 2013	uporedba
I PU	Stari grad	0	0	----	1	1	isto	1	3	-2 ili 66,7 %
	Centar	0	0	----	3	1	+2 ili 200 %	17	16	+1 ili 6,2 %
II PU	Novo Sarajevo	0	1	-1	1	1	isto	10	13	-3 ili 23,1 %
III PU	Novi Grad	0	1	-1	4	1	+3 ili 300 %	23	20	+3 ili 15 %
IV PU	Ilidža	0	0	-----	0	3	-3	16	22	-6 ili 27,3 %
	Hadžići	1	0	+1	1	1	isto	3	0	+3
	Trnovo	0	0	-----	0	0	----	3	1	+2 ili 200 %
V PU	Vogošća	0	0	-----	1	2	-1 ili 50 %	17	8	+9 ili 112,5 %
	Ilijaš	0	0	-----	3	0	+3	11	7	+4 ili 57,1 %
UKUPNO		1	2	-1 ili 50 %	14	10	+4 ili 40 %	101	90	+11 ili 12,2 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 30 lica, od 25 do 30 godina – 20 lica, od 41 do 50 godina – 14 lica, od 21 do 24 godine – 13 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 717 nezgoda u kojima je 66 lica povrijeđeno, zatim na magistralnim putevima – 124 nezgode u kojima su 34 lica nastradala (jedno lice poginulo, 33 lica povrijeđena), na lokalnim putevima – 55 nezgoda (pet lica povrijeđeno), na regionalnim putevima – 22 nezgode (pet lica povrijeđeno) i na putevima koji se ubrajaju u kategoriju ostalih – 45 saobraćajnih nezgoda (šest lica povrijeđeno).

3.2. UZROCI SAOBRAĆAJNIH NEZGODA

Od ukupno 963 uzroka saobraćajnih nezgoda, 117 je bilo zbog neprilagođene brzine (jedno lice poginulo, 38 lica povrijeđeno), 12 zbog uticaja alkohola (četiri lica povrijeđena), dok uzroci za 834 saobraćajne nezgode spadaju u kategoriju ostalih (73 lica povrijeđena).

Evidentirano je šest saobraćajnih nezgoda (pet manje), u kojima su učestvovali pripadnici MUP- (pet saobraćajnih nezgoda u kojima su učestvovali pripadnici MUP-a Kantona Sarajevo i jedna u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica.

Evidentirane su 42 saobraćajne nezgode (devet manje) u kojima su učestvovali inostrani vozači i četiri nezgode (jedna manje) u kojima su učestvovali pripadnici međunarodnih organizacija.

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec juli 2014/2013. godine

	juli 2014/2013	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2014	18.384	3.080	2.693	3.153	3.170	1.068	5.220
	2013	23.903	4.085	2.589	6.627	4.135	2.237	4.230
broj uručenih prekršajnih naloga	2014	14.349	2.460	2.521	981	853	584	6.950
	2013	14.203	3.615	1.632	1.424	954	1.163	5.415
broj zahtjeva za p.p.p.	2014	41	9	3	0	9	10	10
	2013	33	10	0	10	9	3	1
broj isključenih vozila iz saobraćaja zbog tehničke neispravnosti	2014	49	0	0	0	0	1	48
	2013	58	3	1	6	0	0	48
broj vozača zatečenih da upravljaju vozilom pod dejstvom alkohola	2014	62	18	17	3	8	7	9
	2013	170	25	55	11	15	14	50
broj vozača zatečenih da upravljaju vozilom bez korištenja sig. pojasa	2014	937	90	276	68	100	53	350
	2013	1.259	121	341	49	134	214	400
broj vozača zatečenih da upravljaju vozilom bez položenog vozačkog ispita	2014	316	62	55	17	22	22	138
	2013	334	62	59	32	39	11	131
broj vozača zatečenih da upravljaju vozilom pod izrečenom zaštitnom mj.	2014	0	0	0	0	0	0	0
	2013	0	0	0	0	0	0	0
broj vozila otkrivenih da učestvuju u saobraćaju bez važeće registracije	2014	307	44	46	12	29	20	156
	2013	292	61	35	31	36	20	109

Tokom mjeseca jula 2014. godine, kontrolisana su ukupno 18.384 vozila (5.519 manje), 3.898 lica u vozilima (4.071 manje), izvršen je pregled 354 vozila (255 manje) i 202 lica u vozilima (259 manje).

Zbog tehničke neispravnosti iz saobraćaja je isključeno 49 vozila (devet manje), 62 vozača su zatečena da upravljaju vozilom pod dejstvom alkohola (108 manje), 937 bez korištenja sigurnosnog pojasa (322 manje), 316 bez položenog vozačkog ispita (18 manje), a 307 vozača je učestvovalo u saobraćaju bez važeće registracije (15 više).

Zbog kršenja propisa iz oblasti sigurnosti saobraćaja uručeno je 14.349 prekršajnih naloga vozačima (146 više u odnosu na juli prošle godine) i podnesen 41 zahtjev za pokretanje prekršajnog postupka (osam više). Evidentirana su tri krivična djela zbog ugrožavanja sigurnosti javnog prometa (12 manje).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca jula 2014. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.005 prekršajnih naloga (270 manje), upozoreno je 408 vozača (121 manje), a specijalnim vozilom "pauk" premješteno je 197 vozila (17 više).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Novo Sarajevo – 1.420, zatim: Centra – 1.042, Starog Grada – 934, Novog Grada – 462, Ilidže – 193, Vogošće – 130, Hadžića – 98 i Ilijaša – 42.

Službenici Jedinice za saobraćaj uručili su 684 prekršajna naloga vozačima.

Takođe, pješacima koji su kršili propise uručeno je 35 prekršajnih naloga (49 manje), a upozoreno je 105 pješaka (36 manje).

4. ZAKONITOST U RADU

Tokom mjeseca jula 2014. godine, registrovana su tri napada na policijske službenike MUP-a Kantona Sarajevo (u istom mjesecu prošle godine nijedan). U napadima su učestvovala tri lica među kojima je jedan maloljetnik.

Policijski službenici PS Ilidža su u jednom slučaju opravdano upotrijebili silu (jednu manje) i to fizičku snagu i sredstva za vezivanje.

Tokom mjeseca jula 2014. godine, registrovane su 32 predstavke na rad službenika policije među kojima je za četiri predstavke (osam manje) data saglasnost za sprovođenje unutrašnjih istraga, za 26 predstavki je donesen zaključak da su neosnovane, u jednom slučaju je nastupila zastara vođenja postupka, dok je u jednom slučaju izvršena preliminarna provjera.

Postupano je po 24 predstavke iz ranijeg perioda, tako da je razmatrano ukupno 28 predstavki (pet manje).

Okončano je 14 unutrašnjih istraga, među kojima je pet osnovanih, pet neosnovanih, u dva slučaja nije bilo dovoljno dokaza, u jednom slučaju predstavka je oslobađajuća, dok je u jednom slučaju stranka odustala od žalbe.

Takođe, uz saglasnost Ureda za pritužbe javnosti, postupano je po 15 raznih akata.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U mjesecu julu ove godine evidentirana su četiri djela regulisanih ZONDINOM-om (šest manje) počinjenih od strane pet lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: šest pištolja, četiri puške, devet „noževa, mačeva i sl.“, četiri ručne bombe, 231 komad municije raznog kalibra, dva boksera, itd.

Takođe, tokom ovog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovala u realizaciji akcije ”ŽETVA 2014” s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – devet komada,
- mine, granate, trombloni i sl. – četiri kom.,
- municija raznog kalibra – devet komada, itd.

U mjesecu julu ove godine fizičkim licima izdato je 85 odobrenja za nabavku vatrenog oružja i 90 oružnih listova.